



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Arnoldi Corvini à Belderent J. U. D. Jus Canonicum, Per
Aphorismos Strictim Explicatum**

Corvinus van Beldern, Arnold

Amstelodami, 1663

Causa possessionis & proprietatis.

urn:nbn:de:hbz:466:1-10591

nitis, Reus litem non excipiet, nisi expensis ipsi solutis. d.c.
un. vers. ei vero.

Causâ plus petens, ad omnes expensas in triplum & o-
mne damnum, quod Reus occasione institutæ actionis tu-
lit, condemnatur. §. si quis agens. 33. vers. Et siquidem.
Inst. de action.

Hastamen poenas effugiet, si ante litis contestationem
à plus petitione desistat. *Hostiens. hic.*

De causa possessionis & proprietatis.

TIT. XIX.

DIximus supra in genere de ordine cognitionum: vi-
deamus nunc in specie de ordine cognoscendi in con-
cursu petitorii & possessorii judicii.

Concursus fit, si actor, agens petitorio, à Reo, conque-
rente fortè de spoliatione, conveniatur possessorio: idque
vel de eadem re, vel de diversa.

Si utrumque judicium est *eadem de re*, prius super pos-
sessorio est cognoscendum, & pronunciandum; petitorio,
prius proposito, suspensiō. c. ex conquestione. 10. c. literas.
13. de restit. spoliat. Et hoc sive possessorium præcedat, si-
ve sequatur. c. in literis. 5. eod.

Judicium utrumque si est *de re diversa*; subdistinguen-
dum est. Nam aut possessorium, puta de spoliatione, propo-
nitur *in modum reconventionis*, aut *in modum actionis*, aut
in modum exceptionis.

Si in modum reconventionis; puta quia Reus conventus
reconveniendo petit restitui; tunc vicissim sunt tractanda,
& unâ sententiâ terminanda. *vid. supr. de mutuis petit.*

Si in modum actionis; tunc sive civiliter, sive criminaliter
spoliatus ab Auctore conveniatur, possessorium prius
exutiendum. Spoliatus enim ante omnia est restituendus.
c. in literis. 5. c. gravis. 11. de restit. spoliat.

Si in modum exceptionis; primò exceptio spoliationis,
deinde petitorum tractabitur. c. 2. vers. sed quoniam. de
ord. cognit.

Qui

Qui petitorio agit, ante conclusionem in causa, & possessorio adipiscendæ, vel recuperandæ, non retinendæ, agere potest: non post conclusionem; nisi justa causa subsit. c. pastoralis. 5. & c. cum dilectus. 6. hic. c. significaverunt. 36. de testib. & attest.

Si petitorio & possessorio simul est actum, unâ sententiâ terminatur, & præmittitur possessorum in definiendo, licet prius in petitorio fieri debeat executio. c. cum dilectus. 6. c. cum Ecclesia. 3. c. ad ultimum. 2. hic.

Succubens in possessorio, potest de proprietate agere. c. cum olim. 7. eod.

De restitutione spoliatorum.

T I T. X X.

QUia statim diximus, spoliatum ante omnia esse restituendum, c. 1. c. in literis. 5. hic. c. ult. de ord. cognit. nunc videndum, quid sit spolium, quomodo fiat, quis ejus sit effectus.

Spolium, est violenta possessionis privatio. c. 1. 2. 3. &. passim. hic.

Cadit in omnes res mobiles, c. gravis. 11. hic. immobiles, c. 1. hic. jura, c. olim inter. 17. eod. beneficia. c. soliditate. 2. c. in literis. 5. c. accepta. 3. eod.

Fit vel per vim expulsivam, c. item cum. 6. eod. vel ablativam, d. c. gravis. 11. vel compulsativam. d. c. 2. eod.

Spoliasse etiam dicitur & Iudex, qui prætermisso juris ordine, vel cum non esset competens, aliquem jure suo, vel re suâ privat: c. conquerente. 7. eod. & is qui spolium mandavit, aut spoliationem suo nomine factam ratam habuit, c. cum ad sedem. 15. eod. aut rem à spoliatore accepit. c. sape. 18. eod.

Effectus spolii, quod de eo quis potest conqueri aut agendo, id est, conveniendo, vel reconveniendo; aut excipiendo.

Si conveniendo hoc faciat, est ante omnia restituendus. c. 1. & c. fin. de ord. cognit. ubi Abb.